

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) i člana 19. stav (6), i člana 141. stav (7) tačka a) Zakona o strancima („Službeni glasnik BiH“, broj: 88/15), Vijeće ministara Bosne i Hercegovine na 06. vanrednoj sjednici održanoj 24.03.2020. godine, donijelo je

O D L U K U

O IZMJENI I DOPUNI ODLUKE O PROPISIVANJU DODATNIH USLOVA ZA ULAZAK STRANACA U BOSNU I HERCEGOVINU

Član 1.

U Odluci o propisivanju dodatnih uslova za ulazak stranaca u Bosnu i Hercegovinu („Službeni glasnik BiH“, broj 18/20 i VM broj 16/20 od 17.03.2020. godine), u članu 1. stav (1) iza tačke b) dodaje se nova tačka c) koja glasi:

„c) od mjera iz tačke b) ovog stava izuzeti su državljani Republike Hrvatske koji tranzitiraju kroz neumski koridor.“

Član 2.

U članu 2. stav (1) mijenja se i glasi:

„(1) Privremeno se zabranjuje ulazak stranim državljanima koji ulaze u Bosnu i Hercegovinu“.

Iza stava (4) dodaju se novi st. (5) i (6) koji glase:

„(5) Odluka se ne primjenjuje na:

- a) zdravstvene radnike koji dolaze u Bosnu i Hercegovinu radi angažmana u struci,
- b) osobe koje zahtijevaju hitno medicinsko liječenje,
- c) prekogranične radnike,
- d) službe i timove Civilne zaštite,
- e) pripadnike vojnih snaga država članica Sjevernoatlantskog ugovora i ostalih država koje učestvuju u Partnerstvu za mir i pripadnika Štaba NATO-a i EUFOR-a u Bosni i Hercegovini,

- f) strance koji imaju odobren stalni ili privremeni boravak u Bosni i Hercegovini,
- g) vozače i pratioce u slučajevima prenosa posmrtnih ostataka,
- h) posade teretnih vozova i brodova u međunarodnom saobraćaju,
- i) čelnike država i članove njihovih delegacija čiji je dolazak i odlazak najavljen Graničnoj policiji Bosne i Hercegovine diplomatskim putem ili putem protokola nadležnog organa Bosne i Hercegovine,
- j) tranzit stranaca radi povratka u zemlju uobičajenog boravka, bez zadržavanja na teritoriji Bosne i Hercegovine,
- k) Strance koji imaju posebnu dozvolu za ulazak u Bosnu i Hercegovinu, boravak ili tranzit kroz Bosnu i Hercegovinu izdanu od strane Vijeća ministara Bosne i Hercegovine.“

„(6) Lica navedena u stavu (5) ovog člana, obavezna su pridržavati se i poštovati sva uputstva i naredbe nadležnih tijela Bosne i Hercegovine (epidemioloških i zdravstvenih službi)“.

Član 3.

U članu 6. iza riječi „zabrane“, riječi: „pojedinačno za svaku od država iz člana 2. stav (1) ove odluke ” brišu se .

Član 4.

Ova Odluka stupa na snagu danom donošenja i objavljuje se u „Službenom glasniku BiH“.

VM broj 20 /20

24.03.2020. godine

Sarajevo



Predsjedavajući

Vijeća ministara BiH

dr. Zoran Tegeltija

Zoran Tegeltija